

Sambutan Kemerdekaan Universiti Teknologi MARA Cawangan Pulau Pinang

oleh Dr. Isma Noornisa Ismail & Wan Noorli Razali



Ahli pasukan berkumpul di padang untuk senamrobik

Keluarga Malaysia Teguh Bersama,
Menjadi tema seluruh warga,
65 tahun kita merdeka,
Harap kekal buat selamanya.

Karnival Merdeka peringkat cawangan telah diadakan buat julung kalinya di UiTM Kampus Bertam pada 7 September 2022. Acara ini merupakan anjuran bersama Perpustakaan Tun Abdul Razak (PTAR) dan Bahagian Hal Ehwal Pelajar (BHEP) Universiti Teknologi MARA Cawangan Pulau Pinang dengan kerjasama Bank Muamalat. Dimulakan dengan acara senamrobik, peserta-peserta perarakan merdeka meneruskan dengan perbarisan pada tepat



Kontigen Anak Gemilang Malaysia

continued on the next page ...

Events ... (Conferences, Meetings, Trainings & Workshops)

... continued from the previous page

jam 9.30 pagi. Terdapat 10 kontigen yang menyertai perarakan kali ini dan Akademi Pengajian Bahasa (APB) telah digabungkan bersama Jabatan Sains Komputer dan Matematik (JSKM), Jabatan Sains Gunaan (JSG) dan Pusat Kejuruteraan Kimia untuk membentuk kontigen Anak Gemilang Malaysia. Kontigen ini dianggotai seramai 20 orang peserta dan diketuai oleh Puan Azlina Mohd Mydin dari JSKM. Peserta kontigen mengenakan Baju T merah hitam dan tudung bertema bendera Malaysia. Walaupun tidak tersenarai sebagai pemenang, kontigen ini telah berusaha bersungguh-sungguh dengan mengenengahkan Sang Rimau sebagai maskot kontigen. Kehadiran Sang Rimau pastinya telah menggamatkan suasana dengan telatahnya yang comel.



Menang kalah sekadar adat,
Apa yang penting adalah semangat,
Satu pasukan berusaha kuat,
Berganding bahu ukhuwah dierat.

Wakil peserta APB bergambar bersama Sang Rimau

